

DICTONS DU GASTON su les plantes.

Gaston Lucy-Pressé-Annonces Févr.1968.--

1. Fautchî l'grin vèrt, c'est s'grèler lou-minme.
2. Çu n'est nin toutes rôses èt toutes violètes.
3. Ossi vèrt ku porète.
4. C'est ène brantche ki n'fôt wère cheure pou la kwède.
5. Dj'é bin soufru, èt m'n'abateu, ossi.
6. Ostant mète ène pice à ène djambe du bwès.
7. Si la ronche goute ôs tchandèles, lu gadji èst à sa dêrine.
8. Il èst frîji coume in tèt d'pa.ye.
9. Brouyard ki r'monte dès bwès anonce la pluie.
- 10.Çu n'est nin lu tchfô ki gangne l'avon.ne ki la mwindje.
- 11.Lu baston tume toudis su l'tchuvô ki satche.
- 12.Kan on vut bate in tchin, on trouve toudis in baston.
- 13.I n'vôt nin la hôrt pou l' pinde.
- 14.Si la gade a d'not dul' parèye, ill' ôrot les pèlakes. (A côsant d'goute).
- 15.Sôcler pa l'pluive, ç'est tchandji lès nich'tés d'place.
- 16.I fôt djà ène grosse hiêbe pou stran.ner in tchfô.
- 17.Vo.yî la spine rukê ène ronche.
- 18.C'est tous bwès d'ôbes.
- 19.Pa ké navêt k'vous savèz çà.
- 20.Du t'tout près, i vôt mî wêtî èn'oume ki piche k'èn' abateu.
- 21.I frot mî d'prinde ène cwâde èt d'kèru la pu bèle hasse du bwès.
- 22.T'irès ramper la brouyîre.
- 23.Blanc navêt pèlé deus cöps.
- 24.Ou bwès, i plût deus cöps.
- 25.Ene putite biêsse a fwêt bin sôver ène grosse.
- 26.Vôt mî mèch'ner ku glaner.
- 27.Dj'é glané des bounes suteules.
- 28.C'est dzous l'pwârî k'on ramasse les pwâres.
- 29.Ill' nu sé nin la spine ki l'è piké.
- 30.Si tu n'ès nin contant s'la tère, monte su èn' ôbe.
- 31.Il èst mwindji lu sètch èt l'vèrt.
- 32.Pou fwère çà, i fôt ôte tchöse ku dul confiture du rhubarbes.
- 33.C'est sèr' coume ène vessoude. (Pume sôvadje)
- 34.I n'fôt nin trop d'fleurs dins s'dokèt.
- 35.Duner in pwès pou z'awè ène féve.
- 36.Tu mwindjrès des scwâsses du boûle.
- 37.Pour mi, c'est des dja.yes.
- 38.I n'fôt nin ène grosse ronche pou l'acrotchî.
- 39.T'ès bon pou mwindji du fûr.
- 40.Ill' èst êmabe coume ène uche ki r'clafe, coume in dokèt d'chèdrons.
- 41.Si t'è mô l'vinte, prins ène porète.
- 42.Ç'ki lî fôrot, c'est ène volée du vède supine.
- 43.L'ôbe tume du costé k'i pantche.
- 44.T'arandjes çà coume des ga.yes su in baston.
- 45.Ça toûn'rèt à keue d'cèrijes.
- 46.Ça mèt des hasses usk'i fôt des tchènes.
- 47.C'est dla yôte futée.
- 48.C'est coume les aubussons, l'mèyeu n'vôt rin.
- 49.Ostant dner dul confiture à in pourcê.
- 50.Lès grives nu mwindjat nin lès pètches d'houssè.
- 51.Dj'îrê co ôs pwâres avu tès tibias.
- 52.Mwindji les salôdes pal rucinée.
- 53.Cri.yî coume in vinêguî.
- 54.Les noujètes tumat toudis ou çî ki n'sé lès câsser.
- 55.S'ill' avot peu des fo.yes, ill' nu dvot nin aler ou bwès.
- 56.Kan on s'acrotche ôs spines, on z'i lêche toudis yôk.
- 57.Su piker avu ène supine blantche û nware put pwarter pwazon.

Rumédes du plantes pou les biêsses

1. La rin.ne dès prés, fin'mint hatchîe èt machîe à l'avon.ne û à l'aksèle, guèrit les tchfôs des inflamaçons dul' vèchie.
 2. In cataplasse du djône tère èt d'vinêgue mètu s'la pè des couchèts k'ont l'roudjet, lès guèrit, mès i fôt z'à mète du pus d'in cöp.
 3. Kan ène biêsse èst gonflée, on li lo.ye dins la gueuye in dokèt de vèdes dugnêsses trimpées dins du str....
 4. Si ène vatche èst du mô du s'nèti.yî, on li dène dul grin.ne du lin avu des cosses du féves sètches.
 5. Du l'avon.ne molue ôs couchèts lès fwêt dwârmu.
 6. Pou nèti.yî à fond les vatches ki v'nat d'vèler, on l'z'y dune dul tizin.ne du fo.yes du lôrier-nobe bin grèy.îes.
 7. Pou certin.nes maladies du bistu, on fwêt co bin ène sörte du café avu des grin.nes du gniêsses à ramon. (Sarothame à balais)
 8. On dit ku les tchins èt les tchèts su purdjat zès min.mes avu du vèrt chiendent.
 9. La keue d'ène fo.ye d'èllébore vède, û co mî in fié dul rucinée passée dins l'orèye gôtche d'in couchèt èt k'î d'mère la smwin.ne, lu guèrit du roudjèt, ou d'bout d'8 djoûs.
 10. Si ène pou.ye è la pèpie, on li dène du pèzin èt du l'uile d'olives.
 11. Pou s'rind' à fond mwêsse d'in tchfô, i fôt li d'ner du sètch' toubak à mwindji.
 12. On dune dul tizin.ne du frambôges û d'frambôjis ôs biêsses ki s'voûdat.
 13. Si ène jumant nu sé pichî, on li dune ène vède porète.
 14. Pou guèri les tchfôs k'ont les gourmes, on fwêt boure dès djon.nes poûsses d'èpicéa, k'on mèt bin tchôdes dins in satch', pis on fôre la tchêsse du tchfô dins l' satch' èt on wète k'î li lêche lontins asséz.
 15. On fwêt parèye avu dul tizin.ne du florins d'fûr.
 16. La grin.ne du lin rulôtche toutes les biêsses.
 17. Les vèdes dugnêsses sont bounes pou les lapins malôdes.
 18. La vèrmine des ojès an cadje avat avu dès baguètes du suzon voûdies du leu miôle.
 19. On djot ku les grin.nes du chôdrûles rutchôfint les pou.yes à l'iviêr.
 20. La tizin.ne du vèronique èst boune pour les matrices des tchines.
 21. Si ène jumant èst du mô d'pichî, on li fôre ène porète ou c...
 22. La fleûr du bluwèt fwêt des bounes lotions pour les z'oû.yes.
 23. Lu pas d'âne èst bon pou l'asme.
-
-